

佛光大藏經



法華藏

· 注疏部

金光明疏一

佛光山宗務委員會印行



YTX8803011488

國家圖書館出版品預行編目資料

佛光大藏經・法華藏／佛光大藏經編修委員會主編。

--高雄縣大樹鄉：佛光出版社出版：

佛光山宗委會發行, 2009. 04

55冊；21公分

含索引

ISBN 978-986-85015-0-8 (全套：精裝)

1. 法華部 2. 藏經

221. 5

98000162

ISBN 978-986-85015-0-8 (全套：精裝)

ISBN 978-986-85015-0-8



9 789868 501508

《佛光大藏經》編修緣起

夫佛法者，自內容教義觀之，固有其根本上不變之價值；然若於研究信解論之，則應有契合時代之方法與權巧，方能古今融會貫通也。

基於此一原因，吾人期盼此願望之實現，故於民國五十六年（一九六七年）佛光山開山以來，即未嘗一日稍怠，朝此目標邁進。其中《佛光大藏經》之編印付梓，乃在此機緣下誕生於世矣。

我如來一代時教，自漢時東來中土，歷朝大德，譯著典籍，代有所出。宋元明清各版藏經之蒐集編印，既保存聖言經教，亦提供為學者研究與發揚之據也。然各版所刊，未將三藏分段標點，致令今人望經興嘆，既感佛典深奧，非初學之所能解，且編排古板，雖信學有心，奈苦鑽而莫能入。佛光山諸有志者，有鑒於此，乃於民國六十六年（一九七七年）成立「佛光大藏經編修委員會」，以星雲主其事，集學者數十人，經年累月，採各版藏經，冀望作文字之校

勘、全經之考訂，以及經文之分段、逐句之標點，甚而名相之釋義、經題之解說，並有經後之索引、諸家之專文，吾人本懷，乃期編纂一部現代人人能讀，讀而易解，解而能信，信而易行之佛教聖典，唯其如此，方能助長佛法之延續與流傳也。

《佛光大藏經》之編纂新修，擬分以下類別：

- | | | | |
|----------|----------|----------|----------|
| (1) 阿含藏 | (2) 般若藏 | (3) 禪藏 | (4) 淨土藏 |
| (5) 法華藏 | (6) 華嚴藏 | (7) 唯識藏 | (8) 秘密藏 |
| (9) 聲聞藏 | (10) 律藏 | (11) 本緣藏 | (12) 史傳藏 |
| (13) 圖像藏 | (14) 儀誌藏 | (15) 藝文藏 | (16) 雜藏 |

自清代集《龍藏》三百餘年來，今有此修藏之舉，星雲等不自量力，為我中華文化，續佛慧命，點無盡之燈，開般若之華，讓佛光普照寰宇，使法水長流九州。今以愚誠，祈各方大德襄之、教之！不勝馨香企盼之至！

佛曆二五二七年（一九八三年）八月 星雲序於佛光山

凡例

一·《法華藏》係參考各版藏經及近代著述，收錄《法華經》及與其相關之經典、注釋、研究、傳記、感應等，分為「經部」、「注疏部」、「著述部」、「纂集部」，加以標點斷句，校勘注解，並重新編排。其他未收錄於《法華藏》加以點校之相關典籍，則以「提要」方式，提供簡要資料線索，供研究者參考。

二·本會重新編整之《金光明最勝王經疏》，係以日版《大正新修大藏經》為底本，再對勘《卅續藏》，並參考其他典籍嚴加校勘。

三·本書所據以為底本之日版《大正新修大藏經》，其文中有若干異體字，為配合現代電腦排版字體，在不害字義之原則下，直接將其改為現代通行字，而不加校勘說明。

四·書中有文字訛誤，而無他版藏經或其他典籍可供對校、參考者，若經確定純屬傳刻之訛誤，則依前後文意加以改訂，並作校勘記說明之。

五．書中文字疑有訛誤，而無他版藏經或其他典籍可供對校、參考者，則採保留原字，並作「疑當作某字」之校勘記。

六．本書之整編採取新式標點與分段，將全書之文義標示清晰。文中所用之符號計有：「，、；。：！？」「『』」「◇」「〈〉」等十二種。

七．校勘記中所提及之「麗本」係指《高麗大藏經》，「磧砂本」指宋版《磧砂大藏經》，「卍續本」指日版《卍續藏經》。

八．本書之校勘以卷為單位。文中校勘號碼列於所校勘之詞或字下。同一校勘字，若於同一卷出現多次者，僅在初次出現時作校勘記，並於校勘之號碼上冠一「*」記號，其餘各字不再累篇贅注，僅於該字右上角標上「*」，表示同前。

九．本書之注解以卷為單位。文中注解號碼列於所注解之詞或字下。

一〇．書中特殊之佛學術語、艱澀詞句等，均根據各類辭書加以注解。

一一．本書採用雙頁注，凡有校勘、注解，在同一面就可以找到。

一二．於《法華藏》之後，附有全部《法華藏》之索引一冊，其內容收錄人名、地名、物名、經名、術語、法數等等。

目錄

一・星雲大師序	一
二・凡例	一
三・金光明最勝王經疏題解	一
金光明最勝王經疏（六卷）	七
唐・慧沼撰	七
卷第一	七
卷第二	八九
卷第三	二二九

第二冊

卷第四

.....三九五

卷第五

.....五六三

卷第六

.....七二七

金光明最勝王經疏題解

一、名稱

《金光明最勝王經疏》，略稱《金光明疏》。「疏」者，謂經論注釋書之通稱。本書係依《金光明最勝王經》各品之經文，疏決開通其義理，分別其旨趣，使無壅滯，故名。

二、作者

慧沼法師（西元六五一—七一四年），唐代法相宗僧。淄州淄川（山東淄川）人，姓氏不詳。又稱淄州大師。少即警慧，十五歲出家，如法修身，不違戒律，時人以「沼闍梨」稱之。初從玄奘大師受學，後轉依窺基法師習學唯識，能深入堂奧，得其

真傳。窺基法師示寂後，圓測法師著《唯識論疏》反駁窺基法師之說，師乃撰《成唯識論了義燈》破斥其說，以顯法相之實義。曾先後參與義淨、菩提流志法師等之譯場，並任證義，多所刊正。又著有《能顯中邊慧日論》四卷、《因明入正理論義纂要》一卷，論述法相教義，使該宗達於最盛時期；另著有《金光明最勝王經疏》六卷、《法華玄贊義決》一卷、《因明入正理論義斷》一卷等。與窺基、智周法師等合稱為唯識三祖。開元二年示寂，世壽六十四。

三、內容


《金光明最勝王經疏》，凡六卷。係唐代大雲寺慧沼法師根據義淨大師譯本《金光明最勝王經》所作之注釋書。

作者據法相宗之立場，以五門分別闡釋《金光明最勝王經》之起因、名稱、宗、體，以及此經之說法時間、受持本經之利益，並逐一依文會釋。表列如下：


1. 敘經之起因



2. 彰經之宗體



3. 明經之時利




4. 辨經之得名



後利
明流通益
明受持益
明讀誦益
明聞經益
現利
得因果利
得因利

5. 依文科釋



四、現存

本書今收錄於日版《卍續藏經》第三十一、三十二冊（文共分為十卷）、《大正新修大藏經》第三十九冊。



金光明最勝王經疏卷第一

唐三藏法師義淨奉制譯
翻經沙門慧沼撰

諸有三德圓，群生正調御，所證演真教，深妙諸法門。

隨學聖賢僧，淨信歸依者，我今讚斯典，弘法益自他。

迴向大菩提，共生登妙覺，虔誠三業禮，唯願各加護！

將釋此經，先以五門分別：一、敘經之起因；二、彰經之宗體；三、明經之時利；四、辨經之得名；五、依文科釋。

第一、經之起因，復有其二：一、通起因；二、別起因。通謂通諸經，別謂局此教。

初通因者，夫一切如來離諸分別，心證定海，智等如如，物我俱亡，形聲雙寂。然因修宿願，任感機緣，若圓鏡之現形，等虛巖之發響，故有應化垂跡，振隨類音。教雖萬差，起緣唯二：一、由如來大悲所流；二、由有情性欲所感。然諸教中隨舉不定，如《無量義經》但舉由生性欲所感。故彼經云：「法無量者，以諸眾生性欲無量

故①，其所說法亦復無量。」《法華經》第一云：「我今亦復如是，知諸眾生有種種欲，深心所著，隨其本性，以種種因緣、譬喻言辭、方便力故，而為說法。」此經《夢見懺悔品》云：「住壽不可思議劫，隨機說法利群生。」天親《攝論》云且約由悲，云大悲所流十二部經。無性《攝論》即約機性，云自善根力、識心所起。《二十唯識》合說起因頌云：「展轉增上力，二識成決定。」釋云：「謂餘相續識差別故，令餘差別相續識生。」此言相續者身，差別者教。此意：由佛身識現名句義，令聞者識名句義生。此由生根熟為能感，如來大悲為能應，多據大悲利他所以。

又有二緣：一、為法久住；二、為利有情。故《法華經》第一云：「種種因緣，以無量喻，照明佛法，開悟眾生。」照明佛法，為令法久住，是大智；開悟眾生，為利有情，是大悲。此經亦爾。《懺悔品》云「住壽不可思議劫，隨機說法利群生」，大悲。如《付屬品》云「汝等誰能發心守護，廣宣流布，能令正法久住世間」，大智也。或可令法久住，意利有情，為大悲也。或可利益群生，令法久住，為大智也。亦令聞者修於二利：令法久住，修自利；為益有情，修利他。故《瑜伽論》八十二云：「若具如是五分說法，如五分樂，能令自他生大喜樂，又能引發自他利益。」釋此五